

Le iloiloga o le Temporary Migrant Workers Exploitation:

O le sini autu aoao o le iloiloga o le Temporary Migrant Workers Exploitation (iloiloga) o le faaitiitia o le faileagaina o tagata fai mai o loo galulue faavaitaimi, e aofia ai tamaiti aoga mai atunuu i fafo. O le aoga silisili e maua mai i le iloiloga o le maua lea e tagata o loo i totonu o Niu Sila le saogalemu ma galuega aoga, ma o loo mafai e pisinisi uma ona faatautaia auunaga ma le mautinoa o loo sa'o ma talafeagai faiga o loo pulea ai.


E tele faaletonu e maua mai i le faileagaina o tagata fai mai...

TAGATA FAI MAI E aafia tagata fai mai o loo faileagaina, i mafatiaga o le tino, mafaufau ma le tamaoaiga. O nei faaletonu e aafia uma ai ma o latou aiga i totonu o Niu Sila ma fafo i atunuu na soifua mai ai.

PISINISI Ua tauleagaina pule o galuega o loo tausii i faiga sa'o ma le aoga e tusa ai ma le faafaigaluegaina o tagata ona o pule o galuega o loo faileagaina tagata. O nei faiga e ono faaletonu ai le faatumaaina o pisinisi.

TAGATANUU NIU SILA E afua soligatulafono ona o faiga faileagaina ma e aafia ai tagata uma, e pei o faiga taufaasese ma tupe palapala. E aafia foi lafoga ma auunaga tau soifua maloloina ona o le faileagaina o tagata.

TAULELEIA O I TATOU I LE LALOLAGI E aafia ai le tauleleia o lo tatou atunuu i le lalolagi o se nofoaga e amiotonu, saogalemu i le nofo ma faigaluega ai ona o le faileagaina o tagata fai mai.



FAUTUAGA

FOIA

le faatupulaia o faiga i totonu o fale faigaluega (ma isi) e ono mafai ai ona faileagaina tagata fai mai o loo galulue faavaitaimi.

FAUTUAGA MUAMUA: Faatulafonoina le aafia o i latou e malosii pulega poo aia i se pule o se galuega ua solia tulaga faatonuina mo galuega

FAUTUAGA LONA LUA: E tatau i nisi o galuega faakonekarate ma pisinisi o loo fai ma sui o pisinisi tetele ona usitaia tuutuuga o loo folasia i faiga faavae o loo fautuaina i le taimi nei mo visa o loo faatupeina e pule o galuega.

FAUTUAGA LONA TOLU: Faia se faiga faapitoa mo le faafaigaluegaina o tagata e mautinoa ai le puipuia o tagata faigaluega.

FAUTUAGA LONA FA: Faasa e ua faamaonia soligatulafono i lalo o le tulafono Immigration Act ona tauaveina pe puleaina se kamupani.

PUIPUI

tagata fai mai o loo galulue faavaitaimi i totonu o Niu Sila ma fesoasoani ia latou mafaia ona o ese mai galuega o loo faileagaina ai i latou.

FAUTUAGA LONA LIMA: Faavae se numera 0800 ma lipoti e faia i luga o le initaneti a le MBIE e patino lava mo tagata fai mai o loo faileagaina, ma faavae se faiga faapitoa a le MBIE na te lipotia faapitoa ma faatulaga galuega.

FAUTUAGA LONA ONO, FILIFILIGA A: Atiae se ituaiga visa faatalitali mo i latou o galulue faavaitaimi ua faileagaina.

FAUTUAGA LONA ONO, FILIFILIGA B: Faaleleia faiga o loo faia i le taimi nei mo le faagaioiga o visa a le INZ.

FAATAUNUU

tulafono tau femalagaiga ma galuega e foia ai pule o galuega e le o usitaia faiga faavae e talafeagai ma solitulafono ma faasalaga.

FAUTUAGA LONA FITU: Faavae se solitulafono fou mo femalagaiga mo pule o galuega e le o usitaia tulafono ua mafua ai le faileagaina ma le lamatia gofie o tagata.

FAUTUAGA LONA VALU: Faataga se Labour Inspectorate e tuuina atu faasilasilaga tau solitulafono i pule o galuega e le o tuuina mai faamaumauga sa talosagaina i totonu o aso ua faatonuina.

FAUTUAGA LONA IVA: Faalauaitale le lisi faamalolo e manino ai solitulafono i femalagaiga i le taimi nei ma, i le lumanai, solitulafono i femalagaiga mo pule o galuega e le o usitaia aiaiga.

FAUTUAGA LONA FITU: Faailoa i e o loo faafaigaluegaina i visa o loo faatupeina e pule o galuega pe afai ua faamalolo se pule o galuega.

